

## 11. 1465 Oktober 15, Rom

[https://www.monasterium.net/mom/IlluminierteUrkunden/1465-10-15\\_Muenchen/charter](https://www.monasterium.net/mom/IlluminierteUrkunden/1465-10-15_Muenchen/charter)

1465-10-15, Rom

Kardinalsammelindulgenz:

Zehn Kardinäle verleihen der Marienkirche zu Choestling (Kösslarn), Filiale der Pfarrkirche zu Munster, einen 100tägigen Ablass.

### Transkription

**BESSARION** Nicenus Guilhermus Rothomagensis episcopi Latinus de Ursinis Alanus tituli sancte Braxedis Johannes tituli sancti Laurentii in Damaso Jacobus tituli sancte Anastasie Berhardus tituli sancte Sabine Jacobus tituli sancti Chrisogoni presbyteri Bodericus tituli sancti Nicolai in carcere Tulliano Franciscus tituli sancte Marie Nove Diaconi. Sacrosancte Romane ecclesie **CARDINALES**. Universis et singulis christifidelibus presentes litteras inspecturis Salutem in domino sempiternam. Dum precelsa meritorum insignia quibus regina celorum virgo dei genitrix gloriosa sedibus prelata sydereis quasi stella matutina prerutilans devote considerationis indagine perscrutamur invenimus quod ipsa utpote mater misericordie et pietatis amica humani generis consolatrix pro salute fidelium qui delictorum onere pregravantur sedula oratrix ad regem quem genuit intercedit dignum quin potius debitum arbitramur ut ecclesias capellas et alia ecclesiastica loca in honorem sui nominis dedicata gratiosis remissionum (prosequamur) impendiis et indulgentiarum muneribus decoremus. Cupientes igitur ut ecclesia beate Marie in Choestling filiali iure parrochiali subiecta ecclesie Munster Pataviensis diocesis congruis a christifidelibus frequentetur honoribus fidelesque ipsi eo libentius devotionis causa illic confluant quo ibidem dono celestis gratie uberius se conspexerint refectos de omnipotentis dei misericordia et beatorum Petri et Pauli apostolorum eius auctoritate confisi omnibus et singulis vere penitentibus et confessis qui dictam

ecclesiam in Assumptionis beate Marie virginis et proximis tribus Sabbatinis post festum sancti Michaelis archangeli sese et immediate sequentibus ac ipsius ecclesie Dedicationis festivitatum diebus a primis vesperis usque ad secundas vespervas devote visitaverint annuatim et ad reparationem atque conservationem edificiorum calicum luminum librorum aliorumque pro divino cultu inibi necessariorum manus porrexerint adiutrices Nos Cardinales prefati et quilibet nostrum pro qualibet huiusmodi festivitatum die et celebritate earundem Centum dies Indulgentiarum de iniunctis eis penitentiis misericorditer in domino relaxamus presentibus perpetuis futuris temporibus duraturis. In quorum omnium et singulorum fidem premissorum presentes litteras fieri fecimus Sigillorumque nostrorum iussimus appensione communiri. Datum Rome in domibus solitarum nostrarum habitationum Anno a Nativitate domini Millesimoquadringentesimosexagesimoquinto Idibus Octobris Pontificatus Sanctissimi domini nostri domini Pauli divina providentia pape Secundi Anno Secundo.

1)

**BESSARION** Nicenus Guilhermus Rothomagensis episcopi Latinus de Ursinis Alanus tituli sancte Braxedis

2)

Johannes tituli sancti Laurentii in Damaso Jacobus tituli sancte Anastasie Berhardus tituli sancte Sabine Jacobus tituli sancti Chrisogoni presbyteri

3)

Bodericus tituli sancti Nicolai in carcere Tulliano Franciscus tituli sancte Marie Nove Diaconi. Sacrosancte Romane ecclesie **CARDINALES.**

4)

Universis et singulis christifidelibus presentes litteras inspecturis  
Salutem in domino sempiternam. Dum precelsa meritorum  
insignia quibus regina

5)

celorum virgo dei genitrix gloriosa sedibus prelata sydereis  
quasi stella matutina prerutilans devote considerationis inda-  
gine perscrutamur invenimus

6)

quod ipsa utpote mater misericordie et pietatis amica humani  
generis consolatrix pro salute fidelium qui delictorum onere  
pregravantur sedula oratrix ad regem

7)

quem genuit intercedit dignum quin potius debitum arbitramur ut  
ecclesias capellas et alia ecclesiastica loca in honorem sui  
nominis dedicata gratiosis remissionum

8)

(prosequamur) impendiis et indulgentiarum muneribus decore-  
mus. Cupientes igitur ut ecclesia beate Marie in Choestling filiali  
iure parrochiali subiecta ecclesie Munster Pataviensis

9)

diocesis congruis a christifidelibus frequentetur honoribus  
fidelesque ipsi eo libentius devotionis causa illic confluant quo  
ibidem dono celestis gratie uberius se conspexerint

10)

refectos de omnipotentis dei misericordia et beatorum Petri et  
Pauli apostolorum eius auctoritate confisi omnibus et singulis  
vere penitentibus et confessis qui dictam ecclesiam in Assum-

11)

ptionis beate Marie virginis et proximis tribus Sabbatinis post festum sancti Michaelis archangeli sese et immediate sequentibus ac ipsius ecclesie Dedicationis festi-

12)

vitatum diebus a primis vesperis usque ad secundas vespas devote visitaverint annuatim et ad reparationem atque conservationem edificiorum calicum luminum librorum

13)

aliorumque pro divino cultu inibi necessariorum manus porrexerint adiutrices Nos Cardinales prefati et quilibet nostrum pro qualibet huiusmodi festivitatum die

14)

et celebritate earundem Centum dies Indulgentiarum de iniunctis eis penitentiis misericorditer in domino relaxamus presentibus perpetuis futuris temporibus duraturis.

15)

In quorum omnium et singulorum fidem premissorum presentes litteras fieri fecimus Sigillorumque nostrorum iussimus appensione communiri. Datum Rome in domibus so-

16)

litarum nostrarum habitationum Anno a Nativitate domini Millesimoquadringentesimosexagesimoquinto Idibus Octobris Pontificatus Sanctissimi domini

17)

nostri domini Pauli divina providentia pape Secundi Anno Secundo.